

2. Ավետիսյան

ՀԱՅԱՍՏԱՆԻ ԿՈՄԵՐՑՏՄԻՈՒԹՅԱՆ ՊԱՏՄՈՒԹՅՈՒՆԻՑ (ՀԼԿԵՄԸ ԱՌԱՋԻՆ ՀՆԳԱՄՅԱԿԻ ԱՌԱՋԻՆ ՏԱՐՈՒՄ)

Պարտիայի 16-րդ կոնֆերանսում (1929 թ. ապրիլ) հաստատված տնտեսական շինարարության հնգամյա պլանը, որը բխում էր մեր երկրում սոցիալիզմի կառուցման լենինյան ուսմունքից, հանդիսացավ պարտիայի ծրագիրը՝ երկրի տնտեսական ու կուլտուրական հետամնացության լիկվիդացման ճանապարհին: Այն արտացոլում էր սոցիալիստական հասարակության տնտեսական հիմքի կառուցման կոնկրետ նախադրյալները՝ ամբողջ հասակով մեկ ղեկավարելով երկրի սոցիալիստական ինդուստրացման և գյուղատնտեսության կոլեկտիվացման խնդիրները: Հնգամյակի ընթացքում ՍՍՌՄ ժողովրդական տնտեսության մեջ կապիտալ ներդրումները կազմելու էին 64,6 միլիարդ ռուբլի: Նախատեսվում էր կառուցել 1500 արդյունաբերական ձեռնարկություն, որոնց շնորհիվ սոցիալիստական արդյունաբերությունը մոտ երեք անգամ պետք է գերազանցեր նախապատերազմյան մակարդակը:

ՍՍՌՄ-ի առաջին հնգամյա պլանով դարգացման լայն հեռանկարներ էին բացվում նաև նրա բաղկացուցիչ մասը կազմող Սովետական Հայաստանի ժողովրդական տնտեսության համար: Հայաստանի Կոմպարտիայի 6-րդ համագումարում (1929 թ. հունվար) քննարկվում և Սովետների 6-րդ համագումարում (1929 թ. ապրիլ) հաստատվում է սեպտեմբերիկայի հնգամյա պլանը, որով ժողովրդական տնտեսության մեջ նախատեսվում էր 276,8 միլիոն ռուբլու կապիտալ ներդրում, որից արդյունաբերության մեջ (էլեկտրիֆիկացիայի և տրանսպորտի հետ միասին) 117,6 միլիոն ռուբլի, իսկ գյուղատնտեսության և ջրային տնտեսության մեջ՝ 81,5 միլիոն ռուբլի¹:

Այդ խնդիրների հաջող լուծման համար անհրաժեշտ էր պարտիայի կամքի միասնություն և երկաթյա կարգապահություն, աշխատավոր լայն ղանգվածների սերտ համախմբվածություն՝ հարադատ պարտիայի շուրջը:

Այդ վեհ խնդիրների իրագործման կապակցությամբ օրեցօր բարձրանում էր երիտասարդ սերնդի դերը, աճում նրա մասնակցությունը երկրի սոցիալիստական շինարարության գործում: Կոմերիտմիությունը դառնում է ոչ միայն սկզբնական փուլի անսպառ աղբյուր, այլև մի կազմակերպություն, որը, հանդիսանալով Կոմունիստական պարտիայի հավատարիմ օգնականը, պրակտիկայում հաջողությամբ օժանդակում էր պարտիային՝ սոցիալիստական շինարարության տնտեսական, քաղաքական, կուլտուրական խնդիրների լուծման դործում:

Սոցիալիստական շինարարության տվյալ էտապում կոմերիտմիությանը ղիխավոր խնդիրն էր՝ ուժեղացնել օգնությունը Կոմունիստական պարտիային,

¹ Խորհրդային Հայաստանի 13 տարին թվերով, Երևան, 1933, էջ 16:

նրա հետ և նրա ղեկավարությամբ ծավալել սոցիալիստական արդյունաբերության անշեղ զարգացումը, ռադիոնալիզացիայի ենթարկել արտադրությունը, կառուցել նոր ֆաբրիկաներ ու գործարաններ, վերակառուցել գյուղատնտեսությունը, բարելավել պետական ապարատը, վերացնել անդրադիտությունը, պայքարել գործալքության և թափփափածության դեմ:

Այսօրինակ ծրագրային խնդիրներով ՀամԼԿԵՄ-ը և նրա մարտական ջոկատ Հայաստանի լենինյան կոմերիտիությունը թեմակոխեցին 1929 թ. ՍՍՌՄ-ի ժողովրդական տնտեսության զարգացման առաջին հնգամյակի առաջին տարին:

Արտադրության և աշխատանքի ռադիոնալիզացիայի ու բարելավման գործում բանվոր դասակարգի մասնակցության հիմնական ձևերից մեկը արտադրական խորհրդակցություններն էին, որտեղ պարտիական կազմակերպությունների ղեկավարությամբ ակտիվ դեր էին կատարում կոմերիտականներն ու երիտասարդ բանվորները: Արտադրական խորհրդակցությունների գործունեության հիման վրա մեր երկրի արդյունաբերական խոշոր կենտրոններում (Ուրալ, Մոսկվա, Կոլդբաս, Դոնբաս, Լենինգրադ), ստեղծվում են առաջին կոմերիտական, երիտասարդական բրիգադները, որոնք սոցիալիստական խնդուստրիայի խնդիրների իրագործման ասպարեզում հանդես են բերում հերոսության և անձնազոհության աննախընթաց օրինակներ: Կոմերիտականների շրջանում ավելի լայնորեն է ծավալվում նախաձեռնությունը, Հայն կիրառում են ստանում արտադրական կոնկուրսները, խորհրդակցությունները, մրցականները:

Առաջին հարվածային բրիգադաների հաջողությունները, նրանց փորձը օրինակ են դառնում երկրի արդյունաբերական շատ ձեռնարկությունների երիտասարդության համար: Կոմերիտական երիտասարդական բրիգադաները, կոմերիտական ցեխերը ավելի մեծ չափով են սկսում կազմակերպվել 1929 թ. հունվարից: Այդպիսի միավորներ կազմակերպվելու ուղղությամբ առաջին քայլերն են արվում Հայաստանի արտադրական ձեռնարկություններում: Ոչ թափառական արդյունաբերության և շինարարության մեջ աշխատում էին 7041 երիտասարդ բանվորներ², որոնցից 4216-ը կոմերիտիության անդամներ էին³: Կոմերիտական կազմակերպության նախաձեռնությամբ Ալավերդու Մեխանիկական արհեստանոցը, որտեղ աշխատող 49 բանվորներից 42-ը կոմերիտականներ էին, 1929 թ. հունվարի սկզբներին վեր է ածվում «կոմերիտական մեխանիկական արհեստանոցի» և մրցման է հրավիրում Չափանի երիտասարդ սղնձագործներին, Լենինականի տեքստիլ կոմբինատի, Ղեպուլի, մեխանիկական գործարանի կոմերիտական կազմակերպություններին՝ կոմերիտական ցեխեր և բրիգադաներ ստեղծելու համար: Մարտ ժամանակամիջոցում, կոմերիտականների եռամսհուն աշխատանքի շնորհիվ, վերասարքավորվում է արհեստանոցը, բարձրանում աշխատանքի արտադրողականությունը, վերացվում խոտան արտադրանքը և սպարապուրդները⁴:

¹ Տե՛ս ՀամԼԿԵՄ 8-րդ համագումարի որոշումներն ու բանաձևերը, 1929:

² Տե՛ս ՀԼԿԵՄ Կենտկոմի 1-րդ պլենումի նյութերը («Ավանգարդ», 1929, փետրվարի 8, № 11):

³ Տե՛ս Комсомол Закавказья в цифрах, Тифлис, 1931, стр. 5.

⁴ Մարքսիզմ-լենինիզմի ինստիտուտի Հայկական ֆիլիալի արխիվ, ֆ. 48, դ. 113, № 32, 1929:

Երևանի Փայտամշակման Ֆաբրիկայի ԼԿԵՄ կազմակերպության որոշմամբ ատաղձագործական ցեխը Վեր է ածվում հատուկ կոմերիտական ցեխի: Անցնելով հարվածային աշխատանքի, «կոմերիտական ցեխը իր աշխատանքով օրինակ է հանդիսանում գործարանի բանվորության համար: Նրանց փորձի հիման վրա համոզվում են, թե ինչպես կոմերիտականները գործը համարում են իրենց սեփականությունը, ինչպես ջանք չեն խնայում արտադրությունը բարձրացնելու համար»¹:

Լենինականի տեքստիլ կոմբինատի երիտասարդ բանվորները մրցման սլայմաճաղի բն կնքում Իվանովո-Վոզնեսենսկի տեքստիլագործների հետ:

Կոմունիստական պարտիան և Սովետական կառավարությունը մեծ ուշադրություն են դարձնում կոմերիտիության այդ նախաձեռնությունը և նրանց հույս են տալիս ամենօրյա օգնություն և աջակցություն: ՍՍԽՄ ժողովրդական տնտեսության Գերագույն Խորհրդի նախագահ Վ. Վ. Կուլբիշևի ստորագրությամբ 1929 թ. հունվարի 16-ին հրապարակվում է հրաման՝ հարվածային բրիգադաների աշխատանքներին լայն օժանդակություն ցույց տալու մասին²:

Կոմերիտականների և երիտասարդների շրջանում հարվածային բրիգադաների կազմակերպումը և ծավալումը կոմերիտիության արտադրական-մասսայական աշխատանքի նոր, ավելի բարձր էտապ էր: Գործարանների և ֆաբրիկաների տեխնիկատնտեսական հետամնացությունը ամեն կերպ հաղթահարելու երիտասարդության մասսայական ձգտումից ծնվեց սոցիալիստական մրցությունը, որի զաղափարը պատկանում է Կոմունիստական պարտիայի մեծ առաջնորդ Վ. Ի. Լենինին, իսկ կյանքի կոչելու նախաձեռնությունը՝ լենինյան կոմերիտիությանը:

1929 թ. հունվարի 17-ին «Կոմսոմոլսկայա սլավդա» թերթը կոմերիտական կազմակերպություններին կոչ է անում է՛լ ավելի լայնորեն ծավալել հարվածային բրիգադաների շարժումը և մրցությունը ՀամԼԿԵՄ ֆաբրիկա-գործարանային բջիջների միջև՝ արտադրանքի ինքնարժեքի իջեցման, աշխատանքի արտադրողականության բարձրացման համար³:

Արտադրական վերելքի և սոցիալիստական մրցության սկզբնավորման սլայմաճաղերում, Լենինի մահվան 5-րդ տարեդարձի կապակցությամբ 1929 թ. հունվարի 20-ին «Պրավդա» թերթը առաջին անգամ տպագրում է Վ. Ի. Լենինի 1918 թ. հունվարին դրած «Ինչպես կազմակերպել մրցությունը» նշանավոր հոդվածը: Այդ հոդվածում Վլադիմիր Իլյիչը բացահայտելով մրցության էությունը որպես սովետական հասարակարգի օրինաչափություն, կանխատեսում էր, որ մասսաների աշխատանքային մրցությունը պետք է հանդիսանա սոցիալիզմի կառուցման հզոր գործոն:

Լենինի հոդվածի հրապարակումը սոցիալիստական մրցությանը տվեց ավելի մասսայական բնույթ, նպաստեց այն բանին, որ երիտասարդության ակտիվությունը վերածվի համընդհանուր պայքարի՝ առաջին հնգամյա սլանի կատարման համար: Կոմունիստական պարտիան, առաջնորդվելով Լենինի ցուցումներով, կազմակերպեց ու ողբնչեց սոցիալիստական մրցությունը, լայ-

¹ «Ավանգարդ», 1929, փետրվարի 22:

² Политический и трудовой подъём рабочего класса СССР (1928—1929), Сборник документов, Москва, 1956, документ № 75, стр. 127.

³ Տե՛ս «Комсомольская правда», 1929, январь, № 14.

նորեն ծախսել մասսաների խնայողական և ստեղծագործական նախաձեռնությունները՝ Սոցիալիստական մրցման լենինյան դաշտի արդյունքները համակցել կոմերիտական կազմակերպություններին, Սովետական Միության ողջ աշխատավոր երիտասարդությանը:

Սոցիալիստական արդյունաբերության թափը ուժեղացնելու, աշխատանքի արտադրողականությունը 20 տոկոսով բարձրացնելու, արտադրանքի ինքնարժեքը 7 տոկոսով իջեցնելու և որակը բարելավելու համար պարտիայի և կառավարության գերեկտիվները կատարելու նպատակով կոմերիտությունը կազմակերպում է համամիութենական սոցիալիստական մրցություն: Այս կապակցությամբ նախ «Կոմսոմոլսկայա պրավդա» թերթը (1929 թ. հունվարի 26) և ապա ՀամԼԿԵՄ Կենտկոմը (1929 թ. մարտի 31) հատուկ կոչով դիմում են Սովետական Միության կոմերիտականներին և երիտասարդությանը:

Սոցիալիստական մրցության գաղափարը, երկրի արդյունաբերական կենտրոնների առաջավոր ձեռնարկությունների փորձը լայն տարածում են զբաղում նաև Հայաստանի կոմերիտականների և երիտասարդների շրջանում:

Հայաստանի ԼԿԵՄ Կենտկոմը և «Ավանգարդ» թերթը, հետևելով ՀամԼԿԵՄ Կենտկոմի և «Կոմսոմոլսկայա պրավդա» թերթի օրինակին, Համամիութենական մրցականին զուգահեռ իրենց հերթին հայտարարում են Համահայաստանյան մրցականը՝ ռեսպուբլիկայի գավառային կազմակերպությունների միջև: ՀԼԿԵՄ Կենտկոմը 1929 թ. հունվարի 26-ի որոշմամբ² կոնկրետ առաջադրանք է տալիս Լենինականի Տեքստիլ կոմբինատի, գելոյի, Ալավերդու, Ղափանի, Երևանի «Արարատ», Մեխանիկական, Ձեթ-օձառ և Փայտամշակման գործարանների կոմերիտական կազմակերպություններին՝ նրանց ուղարկությունը հրավիրելով աշխատանքի արտադրողականության, բարձրագույն, ինքնարժեքի իջեցման, որակի բարելավման, ինչպես նաև պարագլուխների, թափափվածությունների, անկարգապահության դեմ պայքարի ուժեղացման վրա:

ՀԼԿԵՄ Կենտկոմի բյուրոյի որոշմամբ մարտի 25-ից մինչև ապրիլի 25-ը ռեսպուբլիկայում անց է կացվում Համամիութենական մրցման նախապատրաստման միամսյակ, արտադրական ստուգատեսներ և կոնկուրսներ: ՀԼԿԵՄ երևանի, Լենինականի, Լոռի-Փամբուկի, Էջմիածնի, Հանգեզուրի գավառներին և Ալավերդու ու Ղափանի շրջկոմներին կից կազմակերպվում են մրցությունը նախապատրաստող և անցկացնող հանձնաժողովներ, իսկ արտադրական ԼԿԵՄ կազմակերպություններին կից՝ նախաձեռնող խմբեր և պատասխանատու կազմակերպիչներ³: Դանվոր երիտասարդության ժողովներում գործարանային, շրջաճանաչային, բաղադրային արտադրական կոնֆերանսներում լսվում են ղեկուցումներ՝ արտադրանքի ինքնարժեքի իջեցման, արտադրողականության բարձրացման, սոցիալիստական մրցության էության մասին:

Հետևելով Լենինգրադի «Կրասնի միբորժե» գործարանի երիտասարդության օրինակին, Երևանի Կարբիդի գործարանի կոմերիտական կազմակերպու-

¹ Политический и трудовой подъём рабочего класса СССР (1928—29), док. № 123, стр. 208—210.

² Մարքսիզմ-լենինիզմի ինստիտուտի Հայկական ֆիլիալի արխիվ, ֆ. 48, դ. 6, թ. 28, 1929:

³ Տե՛ս «Ավանգարդ» 1929, փետրվար 1, № 9.

⁴ Մարքսիզմ-լենինիզմի ինստիտուտի Հայկական ֆիլիալի արխիվ, ֆ. 48, դ. 227, թ. 23:

թյունը ստեղծում է կարբիդագործների կոմերիտական բրիգադա, որը հասնում է բարձր ցուցանիշների և օրինակ ծառայում մյուս բանվորների համար: 1928/29 տնտեսական տարվա առաջին կիսամյակում գործարանում արտադրվեց պլանով նախատեսվածից 22 տոկոսով ավելի կարբիդ, ըստ որում ինքնարժեքը իջեցվեց 27 տոկոսով: Վարչատնտեսական ծախսերը կրճատվում են 19 տոկոսով: Կազմակերպվում են կոմերիտական 3 հսկիչ խմբեր, որոնք ստուգում են արտադրության կազմակերպումը և սոցմրցության ընթացքը¹:

Սոցիալիստական մրցման, ծավալմանը նվիրված նրևան քաղաքի բանվորների և ծառայողների կոնֆերանսը ապրիլի 25-ին մրցման է հրավիրում ուսուցիչների, բոլոր արդյունաբերական ձեռնարկությունների կոլեկտիվներին:

Նման կոչով հանդես են գալիս նաև նրևան քաղաքի արտադրական ձեռնարկությունների բանվոր երիտասարդության կոնֆերանսի մասնակիցները: Ընդունելով երևանցիների մրցահրավերը, Լենինականի արտադրական ձեռնարկությունների առաջավորների կոնֆերանսի մասնակիցների հանձնարարություններ, պարիտալի և կոմերիտիության Լենինականի գավառային կոմիտեները պրոտ ևն. «Տեստիլում, Մեխանիկական գործարանում և երկաթգծում կազմակերպված կոմերիտական ցեխերը 5 օրվա ընթացքում բարձրացրին աշխատանքի արտադրողականությունը 10 տոկոսով: Համառ շարունակում ենք կիրառել պարտիալի դիրեկտիվը: Ընդունում ենք Ձեռ մրցահրավերը և սպասում կոնկրետ սլատասխանի՝ աշխատանքի արտադրողականության բարձրացման գործում»:

Ապրիլի 25-ին սոցիալիստական մրցության սլայմանագիր է կնքվում նրևանի Մեխանիկական և Արարատ գործարանների երիտասարդ բանվորների միջև²:

Ղափանի արտադրական բոլոր ձեռնարկություններում անց են կացվում բանվոր երիտասարդության ժողովներ՝ պրոֆմիության և վարչության ներկայացուցիչների մասնակցությամբ, որտեղ լսվում են ղեկուցումներ սոցիալիստական մրցության մասին, պարզաբանվում Վ. Ի. Լենինի «Ինչպես կազմակերպել մրցությունը» հոդվածը և ՀամԼԿԵՄ Կենտկոմի ու ՀԼԿԵՄ Կենտկոմի կոչերը՝ սոցիալիստական մրցությունը ծավալելու վերաբերյալ: Սոցմրցության գաղափարը կոմերիտականներին և երիտասարդներին հասցնելուց հետո լենինյան հանքերում կազմակերպվում են կոմերիտական երկու օրինակելի ցեխեր՝ հորատողների և տեսակավորողների: Կոմերիտական ցեխ է ստեղծվում Շահումյանի անվան հանքում: Կոմերիտական ցեխերը իրենց աշխատանքները սկսում են 1929 թ. մայիսի 1-ից³:

Ապրիլի 15-ից սոցմրցության մեջ են մտնում Ֆաև Ալավերդյու և Շամլուղի սղնձահանքերի և գործարանների կոմերիտականները: Շամլուղում կազմակերպվում է ամրացնողների, հանքաքար լվացողների, տեսակավորողների կոմերիտական 10 արտել, Ալավերդում՝ 17 արտել: Բոլոր հանքերում ստեղծվում

¹ Մարքսիզմ-լենինիզմի ինստիտուտի Հայկական ֆիլիալի արխիվ, ֆ. 48, գ. 291:

² «Ավանդարդ», 1929, ապրիլի 26, № 21:

³ Նույն տեղում:

⁴ Մարքսիզմ-լենինիզմի ինստիտուտի Հայկական ֆիլիալի արխիվ, ֆ. 48, գործ 83, թ. 92, 1929:

են կոմերիտական հսկիչ կետեր, որոնք հետևում են աշխատանքի արտադրողականության բարձրացման և ինքնարժեքի իջեցման աշխատանքներին¹։

Ինչպես ամբողջ Սովետական Միությունում, այնպես էլ Հայաստանում, սկսվում է աշխատավոր մասսաների արտադրական հզոր վերելք, որը զուգահեյսում է Հայաստանի լենինյան կոմերիտմիության տասնամյակին։ Անցած 10 տարիների ընթացքում մարտական «Ուլարտակի» փոքրաթիվ խմբակները արդեն վեր էին ածվել կոմերիտական մասսայական կազմակերպության, որը Կոմպարտիայի ղեկավարությամբ մեծ աշխատանք էր կատարում պրոլետարիատի դիկտատուրայի ամրապնդման, սոցիալիզմի տնտեսական հիմքի կառուցման համար մղվող պայքարում։ 1929 թ. ապրիլի 1-ի տվյալներով Հայաստանում գոյություն ունեւր 973 կոմերիտական սկզբնական կազմակերպություն, որն իր շարքերում միավորում էր 24680 կոմերիտական։ Կոմերիտականների 9466-ը բանվորներ և բատրակներ էին, 13229-ը՝ գյուղացիներ։ Կոմերիտական կազմակերպությունների մեջ կային պարտիայի 1833 անդամ-թեկնածուներ²։ ՀԿԿ Կենտկոմի քարտուղար Ա. Խանջյանը «Խորհրդային Հայաստան» թերթում 1929 թ. ապրիլի 20-ին հրատարակած «Հաղթական տասնամյակը և կոմսոմոլի հիմնական անելիքները» հոդվածում գրում է, որ Հայաստանի կոմերիտմիությունը «...մեր երկրում կառուցվող սոցիալիզմի հիմնական հենարաններից և անսասան սյուններից մեկն է կազմում։ Նա սպարարի և շինարարության առաջին շարքերում է. նորակառույց և կառուցվող մեր արդյունաբերության մեջ, գյուղական աշխատանքների ասպարեզում, սոցիալիզմի գյուղական առաջավոր մարտկոցներում՝ կուլեկտիվ տնտեսության մեջ. դպրոցում և կուլտուրական ռեյունցիայի բոլոր բնագավառներում, ռեյունցիոն Կարմիր Բանակի ամրակու շարքերում, ամենուրեք և անընդհատ լենինյան մեր կոմերիտմիությունը եռանդագին առաջ է տանում իր աշխատանքները»³։

Հայաստանի կոմերիտմիության տասնամյակի առթիվ ռեսպուբլիկայի կոմերիտականներին և ողջ աշխատավոր երիտասարդներին կոչով և նամակով դիմում են ՀԿԿ և ՀԼԿԵՄ Կենտրոնական կոմիտեները⁴։ Կոչում և նամակում նըշված են այն կոնկրետ խնդիրները, որոնց վրա պետք է բեռնեն իրենց ուշադրությունը կոմերիտական կազմակերպությունները։ ՀԿԿ Կենտկոմը վստահություն է հայտնում, որ «կոմերիտմիությունը ավելի մեծ շափերով կաշխատի ներգրավել աշխատավոր երիտասարդությանը Սոցիալիստական շինարարության դործին և կդաստիարակի իր շարքերում իսկական ինտերնացիոնալիստների, լենինյան բոլշևիկների մի ամրակու ռանակ»⁵։

Հայաստանի լենինյան կոմերիտմիությունը, ողջ աշխատավոր երիտասարդությունը պարտիայի և կոմերիտմիության մարտական կոչերը դարձնում են իրենց սպարարի հետադա ծրագիրը։

¹ Մարքսիզմ-լենինիզմի ինստիտուտի Հայկական ֆիլիալի արխիվ, ֆ. 48, դ. 203, թ. 2—6։

² Комсомол Закавказья в цифрах, Тифлис, 1931, стр., 5, 16, 30.

³ Տե՛ս «Խորհրդային Հայաստան», 1929, ապրիլի 20, № 91։

⁴ Տե՛ս ա) «Ավանդարդ», № 28, 1929, ապրիլի 20 («ՀԼԿԵՄ Կենտկոմի նամակը ուղղված բոլոր կոմերիտականներին և երիտասարդներին»), բ) «Խորհրդային Հայաստան», 1929, ապրիլի 20, № 91 (Հայկոմկուսի Կենտկոմի կոչը ուղղված Հայաստանի լենինյան կոմերիտմիության բոլոր անդամներին)։

⁵ Նույն տեղում։

Ինչպես ՀամԼԿԵՄ, այնպես էլ նրա բաղկացուցիչ մասը կազմող ՀԼԿԵՄ աշխատանքները նոր թափով են ծավալվում այն բանից հետո, երբ պարտիայի 16-րդ կոնֆերենցիան, ընդունելով հնդամյա պլանը, հավանություն է տալիս և ամրապնդում պաշտպանում «Լենինյան կոմերիտիության և մամուլի նախաձեռնությամբ ծավալված սոցիալիստական մրցությունը»¹:

Սոցիալիստական մրցությունը սոցիալիզմի համար մղվող պայքարում լուսավոր դասակարգի ձեռքին վեր է ածվում հզոր զենքի: Ստեղծագործական էնտուզիազմով էին համակված աշխատավորական միլիոնավոր մասսաները, զարթոնք էին ապրում տաղանդները, «որոնք ժողովրդի մեջ անսպառ աղբյուր են և որոնց կապիտալիզմը ճմլել, ճնշել, խեղդել է հազարներով ու միլիոններով»²:

Հայաստանի Լենինյան կոմերիտիության 6-րդ համագումարը (1929 թ. մայիսի 17—23), անվերապահորեն միանալով պարտիայի 16-րդ կոնֆերենցիայի որոշումներին, ուսպուրիկայի կոմերիտականների անունից կոմունիստական պարտիային խոստանում է մոբիլիզացնել ողջ աշխատավոր երիտասարդությանը, լարել բոլոր ուժերը, երիտասարդության եռանդն ու էներգիան կյանքում անշեղորեն կիրառելու պարտիայի մարտական առաջադրանքները³:

Պարտիայի ձեռք առած մի շարք կտրուկ միջոցառումների շնորհիվ վերակառուցվում է նաև պրոֆմիությունների աշխատանքը: Պրոֆկադմակերպությունները սկսում են ավելի մոտիկից ղեկավար տաղանդների կազմակերպման, աշխատանքի արտադրողականության բարձրացման, մրցության ծավալման հարցերով: ՀԼԿԵՄ Կենտկոմը և ՀԱՄԽ-ը կոչով դիմում են ուսպուրիկայի բոլոր կոմերիտական և պրոֆմիությունական կազմակերպություններին՝ պրոֆմիության և կոմերիտիության համատեղ աշխատանքի մասին⁴:

Սոցիալիստական մրցությունը կոմերիտական շարժումից վեր է ածվում ընդհանուր բանվորական շարժման, դասակարգի մրցության, որի ընթացքում կոմերիտիությունը անշեղորեն իրականացնում է Վ. Ի. Լենինի այն պատգամը, որ «կոմունիստական երիտասարդական միությունը պետք է լինի հարվածային խումբ, որն ամեն մի գործում ցույց է տալիս իր սգնությունը, հանդես է բերում իր նախաձեռնությունը, ձեռներեցությունը»⁵:

Հայաստանի արտադրական ձեռնարկություններում և շինարարական օբյեկտներում կազմակերպվում են մեկ հարվածային գործարան, 4 հարվածային ցեխ, 59 հարվածային բրիգադ, որոնք ընդգրկում են 3658 բանվորներ: Հարվածայիններից 290-ը կոմունիստներ էին, մնացածը կոմերիտականներ և երիտասարդներ⁶: Առաջնության դրոշմ գանվում էր երիտասարդ բանվորների ձեռքին, որոնք կոմունիստների և կոմերիտականների ղեկավարությամբ հանդիսանում էին բրիգադաների շարժումը ամրապնդող ուժ, արտադրական պլան-

¹ ՄԽԿՊ-ն... բանաձևերում և որոշումներում, մաս 2-րդ, էջ 181:

² Վ. Ի. Լենին, Երկեր, հատ. 26, էջ 494:

³ Տե՛ս Հայաստանի ԼԿԵՄ 6-րդ համագումարի բանաձևերն ու որոշումները, Երևան, 1929:

⁴ Մարքսիզմ-լենինիզմի ինտերուուտի Հայկական ֆիլիալի արխիվ, ֆ. 48, դ. 30, թ. 3—8, 1929:

⁵ Վ. Ի. Լենին, Երկեր, հատ. 31, էջ 363:

⁶ Մարքսիզմ-լենինիզմի ինտերուուտի Հայկական ֆիլիալի արխիվ, ֆ. 48, դ. 306, թ. 35:

ների կատարման և գերակատարման նախամարտիկներ, Մրցությունը և հարվածայնությունը դարձան վճռական պայման տնտեսական ճեղքվածքների շուտափույթ լիկվիդացման և սոցիալիստական շինարարության տեմպերի արագացման գործում: Աշխատանքի արտադրողականության բարձրացման, ինքնարժեքի իջեցման և սոցիալիստական մրցության ծավալման գործում մեծ աշխատանք կատարվեց Լենինականի Մայիսյան ապստամբության անվան Տեքստիլ կոմբինատում, որտեղ աշխատող մոտ 3000 բանվորների 60 տոկոսը կոմերիտականներ էին, 85 տոկոսը երիտասարդներ: Կոմբինատում աշխատում էին 50 կոմերիտական վարպետներ և ենթավարպետներ: Ստեղծված էր 23 սկզբնական կոմերիտական կազմակերպություն¹: Կոմերիտական կազմակերպությունը կարևոր դեր է կատարում հասարակական սեփականության պահպանման և միջոցների խնայողության գործում: Կոմերիտականները բարձր գիտակցականությամբ և պատասխանատվությամբ են վերաբերվում մեքենաներին, սարքավորմանը, խնայողարար են ծախսում հումքը, նյութերը, էլեկտրաէներգիան: ԼԿԵՄ կազմակերպության որոշմամբ մանվածքային ֆաբրիկայում կազմակերպվում է կոմերիտական հատուկ ցեխ՝ կոմերիտական վարպետ, ՀԼԿԵՄ Կենտկոմի անդամ Սարգիս Ղուզարյանի ղեկավարությամբ: Ցեխի 50 կոմերիտականներ հանձն են առնում աշխատելու հնացած, գործածությունից հանված 13 մեքենաների վրա և ցեխի վարիչի մտցրած ռացիոնալիզատորական առաջարկության շնորհիվ կարճ ժամանակում զգալի չափով կրճատում են խոտան արտադրանքը, 17,5 տոկոսով բարձրացնում աշխատանքի արտադրողականությունը: Ռացիոնալիզացիայի շնորհիվ կոմբինատը տնտեսում է 39350 ռուբլի: Բանվորի միջին արտադրանքը մեկ ամսվա ընթացքում 237 կգ. մանվածքից բարձրանում է 335 կգ.-ի, զապահեցների աշխատանքային պարապուրդների ժամերի քանակը 3348-ից իջնում է 304-ի: Այս նախնական հաջողություններից հետո կոմերիտական ցեխը մրցման է հրավիրում Գործվածքային և Տրիկոտաժի ֆաբրիկաների կոմերիտական կազմակերպություններին, որտեղ ևս ստեղծվում են կոմերիտական ցեխեր: Միաժամանակ ստեղծվում է ՝ հարվածային բրիգադա՝ 200 կոմերիտականներով²: Այս բոլորի շնորհիվ 1928¹29 տնտեսական տարում, նախորդ տարվա համեմատությամբ, կոմբինատի համախառն արտադրանքն աճում է 98 տոկոսով, մանվածքը՝ 124 տոկոսով: Մեկ բանվորի աշխատանքի արտադրողականությունը բարձրանում է Գործվածքային ֆաբրիկայում՝ 23,3 տոկոսով, Մանարանի ֆաբրիկայում՝ 42,4 տոկոսով, Տրիկոտաժի ֆաբրիկայում՝ 59 տոկոսով: Հայտնաբերվի բոլոր ձեռնարկություններում արտադրանքի ինքնարժեքը իջնում է 12 տոկոսով, պլանով նախատեսված 6,8 տոկոսի փոխարեն³:

Արտադրական բարձր վերելք են ապրում նաև ռեսպուբլիկայի արտադրական մյուս ձեռնարկությունները: Հայնորեն ծավալված մրցության շնորհիվ կաշվի արդյունաբերության մեջ աշխատանքի արտադրողականությունը բարձրանում է մարտ ամսին 31,3 տոկոսով, ապրիլին՝ 36,6, մայիսին՝ 58,6, հու-

¹ Մարքսիզմ-լենինիզմի ինստիտուտի Հայկական ֆիլիալի արխիվ, ֆ. 48, պ. 30, թ. 20:

² Նույն տեղում, գործ 236, թ. 54 - 57:

³ Տե՛ս «Հայկոմկոսի (Բ) Կենտկոմի նամակը Լենինականի ղավկոմին, տեքստիլ գործարանի կուսբյիջներին, տեքստիլի կազմակերպության բոլոր անդամներին» նրևան, 1929, էջ 3:

նիսին՝ 75 տոկոսով: Երևանի Մեխանիկական գործարանում աշխատանքի արտադրողականությունը բարձրանում է 25, ինքնարժեքը իջնում՝ 7 տոկոսով:

Եթե մինչև սոցիալիստական մրցությունը մեկ ամսվա ընթացքում Ղափանի հանքերում հորատողները փորում էին 12—15 մետր, ապա սոցմրցումից հետո այն հասնում է 15—20 մետրի, դրա հետ միասին հորատման յուրաքանչյուր մետրի ինքնարժեքը իջեցվում է 35 ուրլով: Վագոնավարները 60—70 վազոն հանքաքարի փոխարեն դուրս են բերում 110 վազոն հանքաքար: Ինամիտի խնայողությունը հասնում է 10 տոկոսի: Տեսակավորման ցանցի վրա 8 բանվորի փոխարեն աշխատում է 4 բանվոր, տալով նույն քանակի արտադրանք:

Շամլուղի հանքերում աշխատող 10 կոմերիտական արտելներում (աշխատում էին 100 կոմերիտականներ). արտադրանքի ինքնարժեքն իջնում է ասորիլ մասին՝ 21,7, մայիսին՝ 23,9, հունիսին՝ 26,3, հուլիսին՝ 32,8 տոկոսով²:

«Կուլը» անվանված հանքը, որը փլվել էր ջրի հոսանքի ներխուժումից և լցվել դազերով, նախատեսված էր բացել 4 ամսում: Կոմերիտական կազմակերպությունը իր վրա վերցրեց հանքի մաքրման և կանոնավորման գործը և սոցմրցման շնորհիվ այն բացվեց մեկ ու կես ամսվա ընթացքում: Հանքը վերանվանվեց «Մայիսի 1-ի» անվան և դարձավ ամենաառաջավոր հանքերից մեկը:

Այսպիսով կոմերիտներում մեկ տարվա ընթացքում սղնձարդյունաբերության արտադրանքը ավելացավ 43 տոկոսով, արտադրողականությունը բարձրացավ 36,4, իսկ Զանգեզուրի կոմերիտներում՝ 29,8 տոկոսով: Արտադրանքի ինքնարժեքը իջավ 17 տոկոսով³: Մեկ տարվա ընթացքում արտադրվեց 780 տոննայով ավելի սղնձ, քան 1927/28 տնտեսական տարում:

Մեծ նվաճումներ են ձեռք բերվում Հենինականի շոգեքարշային դեպոյում, վագոնային պարկում, Անի-սկամբայում և ռեսպուբլիկայի արտադրական մյուս ձեռնարկություններում:

Երկրի սոցիալիստական ինդուստրացման սլարտիայի քաղաքականությունը դարձել էր բանվոր դասակարգի, նրա երիտասարդ սերնդի հարազատ գործը: Բանվորները, ծառայողները որոնում էին աշխատանքի կազմակերպման նորաձևեր և միջոցներ, նոր աղբյուրներ՝ արտադրությունը ավելի կատարելագործելու, աշխատանքի արտադրողականությունը բարձրացնելու, ինդուստրացումը արագացնելու համար: Այդպիսի միջոցներից մեկը հանդիսացավ բանվոր դասակարգի նախաձեռնությամբ ծնված «ինդուստրացման օրվա» կազմակերպումը: Մոսկվայի և Հենինգրադի օրինակով այդպիսի օրեր անցկացվեցին ամբողջ Սովետական Միության մեջ: Անդրկովկասի աշխատավորության նախաձեռնությամբ «ինդուստրացման օրը» նշանակվեց սեպտեմբերի 20-ին՝ կիրակի օրը: Այդ օրը համընկավ Բաքվի 26 կոմիսարների գազանային սպանության 11-րդ տարեդարձին, որը «ինդուստրացման օրվան» տվեց առանձնահատուկ նշանակություն: «Ինդուստրացման օրը» հաջող և կազմակերպված անցկացնե-

¹ «Երիտասարդ բուլգերի», 1929, № 5—6, էջ 31:

² Մարքսիզմ-լենինիզմի ինստիտուտի Հայկական ֆիլիալի արխիվ, ֆ. 48, գ. 89, թ. 91:

³ Նույն տեղում, ֆ. 48, գ. 203, թ. 2—6:

⁴ «Ավանդարդ», օգոստոս, 1929:

⁵ Մարքսիզմ-լենինիզմի ինստիտուտի Հայկական ֆիլիալի արխիվ, ֆ. 1, գ. 72, թ. 29:

յու գործում մեծ դեր խաղացին ՀԿՆՄ կազմակերպությունները: Նրանք երիտասարդ և հասակավոր բանվորների մեջ բացատրական աշխատանք ծավալեցին պարտիայի ինդուստրացման քաղաքականության մասին. պարտկազմակերպությունների ղեկավարությամբ ապահովեցին, որպեսզի սեպտեմբերի 20-ին լրիվ բեռնվածությամբ աշխատեն բոլոր ձեռնարկությունները, մեքենաները, դադաշները: ՀԿՆՄ Կենտկոմի կողմից այդ օրը բոլոր կոմերիտականները ղուրս եկան աշխատանքի՝ ունենալով «ինդուստրացման օրը» դա 26 կոմունարների հիշատակի լավագույն հավերժացումն է», «Հավերժացնենք 26 կոմունարների հիշատակը, ծավալենք սոցիալիզմի շինարարության թափը», «ինդուստրացման օրով հարվածենք դասակարգային թշնամուն», «ոչ մի կոմերիտական և երիտասարդ առանց ինդուստրացման համար աշխատելու» լուզունքները:

«Ինդուստրացման օրը» ցույց տվեց աշխատանքի կազմակերպվածության և հերոսության նորանոր օրինակներ: Աշխատանքի էին ղուրս եկել բոլոր արտադրական ձեռնարկությունների բանվորներն ու ծառայողները: Շատ տեղերում աշխատում էին նաև արձակուրդում գտնվող բանվորները: Ինդուստրացման օրվան իրենց յոման մտցրին ուսանողները, ինտելիգենցիան, գյուղական երիտասարդությունը: Դյուղում ինդուստրացման օրը անցկացվեց դյուղի սոցիալիստական վերակառուցման տեմպի ուժեղացման և գյուղի ու քաղաքի արտադրական կապերի ամրապնդման նշանաբանի տակ: Այդ օրվա աշխատանքից առաջացած ամբողջ գումարը նվիրվեց «ինդուստրացման ֆոնդին»:

Կոմունիստական պարտիայի ձեռք առած մի շարք միջոցառումների շնորհիվ, սովետական ժողովրդի հերոսական ջանքերով առաջին հնգամյակի առաջին տարվա ընթացքում, մեր երկիրը հասավ հսկայական առաջընթացի: Արդյունաբերության արտադրանքի բաժարձակ աճը մեկ տարվա ընթացքում ՍՍՌՄ-ում կազմեց 4,1 միլիարդ ռուբլի, արդյունաբերության աճի տեմպը՝ 25,9 տոկոս: Ծանր արդյունաբերությունը տվեց 32 տոկոս աճ:

Մեծ նվաճումներ ձեռք բերվեցին Սովետական Հայաստանում, որտեղ հիմնական ներդրումները կազմեցին 40 միլիոն ռուբլի (41 տոկոսը՝ արդյունաբերության մեջ): Արդյունաբերական արտադրանքը աճեց 53,6 տոկոսով՝ կազմելով ողջ արտադրանքի 34 տոկոսը, ինքնարժեքը իջավ 13 տոկոսով (նախատեսված 9-ի փոխարեն), աշխատանքի արտադրողականությունը բարձրացավ 30 տոկոսով²: էլեկտրաէներգիայի արտադրանքը ավելացավ 60 տոկոսով, սղնձահանքի հանույթը՝ 28,1 տոկոսով, ձուլումը՝ 20,8 տոկոսով, քիմիական արդյունաբերության արտադրանքը՝ 69,3 տոկոսով, մանվածքային արտադրանքը՝ 226,5 տոկոսով³: Առաջին հնգամյակի առաջին տարվա ընթացքում հաջողությամբ աշխատում էին նրևանի և լենինականի էլեկտրակայանները, շարունակվում էր Ձորագետի հիդրոէլեկտրակայանի շինարարությունը, հիմք դրվեց Քառարևոյի և տեղական նշանակություն ունեցող մի քանի էլեկտրակայանների շինարարությունը: Սկսեց զարգանալ քիմիական արդյունաբերությունը: Դրվեց ցիանամիդի, կոլչիդանի, սղնձարջասպի, ծծմբաթթվի, գործարանների հիմքը: Լայն թափ ստացավ շինանյութերի արտադրությունը: Սկսվեց Դավալուի Յեմեն-

¹ Մարքսիզմ-լենինիզմի ինստիտուտի Հայկական ֆիլիալի արխիվ, ֆ. 20, գ. 126, թ. 65:

² Տե՛ս Ա. Խանգյան. «Մեծ բեկման շրջանը և մեր խնդիրները» (ՀԿ(Բ)Կ Կենտկոմի հաշվետվությունը 7-րդ համագումարին), Երևան, 1930, էջ 16—18, 26—27:

³ Տե՛ս ՀՍԽՀ աշխատանքը և արդյունաբերությունը 1926—1928 թթ., էջ 226:

տի գործարանի շինարարությունը, ընդարձակվեց Լենինականի Տեքստիլ կոմբինատը, կառուցվեցին Արթիկի, Պեմզայի երկաթգծերը՝ 38 կիլոմետր երկարությամբ, Սկսվեց 40 կմ. երկարությամբ Ղափան-Մինչևան գծի կառուցումը:

Աճեց արդյունաբերության և շինարարության մեջ աշխատող բանվորների թիվը, 1929 թ. վերջին հասնելով 20406-ի, և տալով աճ՝ շինարարության մեջ 28 տոկոս, ցենզային արդյունաբերության մեջ 16,3 տոկոս¹: Այս բոլորը խթան հանդիսացան դործազրկության իսպառ վերացման համար: Գործազուրկների համար կազմակերպվում են շինարարական, մտավոր աշխատանքի, ինդուստրիալ խմբակներ, որտեղ սովորում են 2870 հոգի և անցնում համապատասխան աշխատանքի²: Բարելավվեցին բանվորների կուլտուր-կենցաղային պայմանները, միջին աշխատավարձը աճեց 15 տոկոսով: Սանատորիաներում և հանգըստյան տներում բուժվեցին և հանգստացան 2640 հոգի, որից 1755-ը բանվորներ³: Տնթմամյա բանվորական օրվա անցանքն Երևանի Կարբիդի և Մեխանիկական գործարանները՝ 104 բանվորներով, իսկ 1929/30 տնտեսական տարում 5 գործարան՝ 3732 բանվորներով⁴: Անընդհատ արտադրական շաբաթի անցան ռեսպուբլիկայի բանվորների ընդհանուր թվի 90,8 տոկոսը, 13 գործարանները՝ 9-ը⁵:

Չնայած այս լուրջ առաջընթացին, Հայաստանի արդյունաբերական որոշ ձեռնարկություններ հնգամյակի առաջին տարին փակեցին մեծ ճեղքվածքներով, պլանների թերակատարումով:

Հայաստանի ամբողջ արդյունաբերությունը տարեկան պլանը կատարեց 92,4 տոկոսով, Հայտեքստիլը պլանը կատարեց միայն 60 տոկոսով, պղնձարդյունաբերությունը՝ 87 տոկոսով: Այս խնդիրների վրա բևեռեց Հայաստանի կոմունիստների և ողջ աշխատավորության ուշադրությունը ՀԿ(Բ)Պ Կենտկոմը՝ հատուկ նամակներով դիմելով Լենինականի, Ալավերդու, Ղափանի պարտկազմակերպություններին⁶: Պարտիայի մոբիլիզացնող և ոգեշնչող ուժը տվեց իր պտուղները:

Երկրի ինդուստրացման գործում առաջին խոշոր հաջողությունները պայմաններ ստեղծեցին ամբողջ ժողովրդական տնտեսության, այդ թվում և գյուղատնտեսության սոցիալիստական վերակառուցումը հաջող իրականացնելու համար:

1929 թ. հունվարից սկսած մեծ աշխուժություն է նկատվում նաև Հայաստանի գյուղական կոմերիտական կազմակերպություններում: Սկսվում է մասսայական արշավ գյուղի կոլեկտիվացման և բերքատվության բարձրացման համար: 1929 թ. հունվարին ՀամԼԿԵՄ Կենտկոմը, ապա ՀԼԿԵՄ Կենտկոմը կոչով դիմում են կոմերիտականներին և երիտասարդներին՝ դաշտերի բերքատվության բարձրացման, գյուղական անհատական տնտեսությունների կոոպե-

¹ Ա. Խանջյան, «Մեծ բեկման շրջանը և մեր խնդիրները», էջ 40—41:

² ՀՄԽՀ կառավարության հաշվետվության նյութեր (1928 — 1929, 1929—1930), 1931, Երևան, էջ 167:

³ Նույն տեղում, էջ 172:

⁴ Նույն տեղում, էջ 168 — 169:

⁵ Նույն տեղում, էջ 27 — 28:

⁶ Տե՛ս ա) Հայկոմկուսի (Բ) Կենտկոմի նամակը Լենինականի դավկոմին, տեքստիլ գործարանի կուսբյուրներին, տեքստիլի կազմակերպության բոլոր անդամներին, Երևան, 1929: Բ) Հայաստանի Կ(Բ)Կ Կենտկոմի նամակը կուսակցության Զանգեզուրի և Լոռու գավառներին, Ալավերդու և Ղափանի շրջկոմներին, Հայպինձ տրեստի վարչության կոմունիստներին, պրոֆկազմակերպության ֆրակցիաներին, բջիջներին, կուսակցության Ղափանի Ալավերդու շրջանների բոլոր անդամներին, Երևան, 1930:

րադման և կոլեկտիւիացման աշխատանքներին օգնելու համար բերքարշաւ կազմակերպելու մասին: Բերքարշաւի հիմնական նպատակն էր՝ քաղաքի և գյուղի կոմերիտական ընդհանրին ոտքի հանել աշխատանքի նոր ձևերի կիրառմանն օգնելու համար. էլ ավելի զարկ տալ գյուղատնտեսության զարգացման շարժումներին. ընդարձակել ցանքատարածութիւնները, ժամանակին զտել սերմացուն, կանոնաւորել տրակտորների և գյուղատնտեսական այլ մեքենաների օգտագործումը, ավելի լայնացնել կոլտնտեսութիւնների ցանցը՝ նրանցում ընդգրկելով կոմերիտականներին:

Գյուղական կոմերիտականները Հայաստանում ներկայացնում էին մեծ ուժ: Գյուղում կար մոտ 750 կոմերիտական սկզբնական կազմակերպութիւն, որը իր մեջ միավորում էր ուսուցիչական խմբակի բոլոր կոմերիտականների 72,3 տոկոսը¹ (բատրակների հետ միասին):

Կազմակերպւում են բերքարշաւի կենտրոնական և դաւառային շտաբներ, իսկ շրջաններում գյուղատնտեսի մասնակցութեամբ՝ եռյակներ: Հրաւիրւում են ակտիւ խորհրդակցութիւններ և ընդհանրի ժողովներ. որտեղ լսւում են դարնանացանի հետ կապւած զեկուցումներ, կազմակերպւում են գյուղատնտեսի հետ մերձեցման երեկոներ, քննարկւում գյուղատնտեսի և կոմերիտականների համատեղ աշխատանքը: Կոմերիտականները դարնանացանին դուրս եկան «ոչ մի ֆունտ սերմ առանց զտման չցանել», «ոչ մի ֆունտ սերմ առանց ցանելու լիցենզի» լողուններով: Լոռի-Փամբակի կոմերիտական կազմակերպութիւնը առաջինը դուրս եկավ բերքարշաւի, ցանց «Կոմսոմոլի բերքարշաւ» անունով երկու սերմադտիչ և մրցման հրավիրեց մյուս կազմակերպութիւններին: Կոմերիտական կազմակերպութիւնները բերքարշաւի ժամանակ մեծ աշխատանք են տանում կոլտնտեսութիւնների կազմակերպման ու ամրապնդման և նրանցում կոմերիտականներին ու չքավոր երիտասարդներին ընդգրկելու ուղղութեամբ: Միայն կոմերիտականների ուժերով 1929 թ. ստեղծւեց 30 կոլտնտեսութիւն. 18 փորձագաշտ, 56 կոոպերատիւ ընկերութիւն²: Զանգեզուրում կոմերիտականները կոլտնտեսութիւններ ստեղծեցին Տաթևում, Գորիսում, Ալիքենդում: Ուժեղացւեց և ամրապնդւեց Տեղ գյուղի կոլտնտեսութիւնը³:

Ծավալւեց մրցութիւնը գյուղի սոցիալիստական վերակառուցման ուղղութեամբ: Մրցութիւնը հանդիսացավ հիանալի և մեծ ուժ՝ քաղաքի և գյուղի աշխատավորութեան միջև բարեկամական հարաբերութիւնների, ընկերական համագործակցութեան և սոցիալիստական փոխօգնութեան ամրապնդման գործում: Նա օգնեց սոցիալիստական քաղաքին՝ ցույց տալու իրական օգնութիւն կոլտնտեսային շինարարութեան ճանապարհը բռնած սովետական գյուղին, նպաստեց բանւոր դասակարգի և աշխատավոր գյուղացիութեան դաշինքի ամրապնդմանը, քաղաքի և գյուղի միջև եղած էական տարբերութիւնների աստիճանաբար վերացմանը: Ռեսպուբլիկայի քաղաքների արտադրական ձեռնարկութիւնների կոմերիտական կազմակերպութիւնները լայն արշաւ են սկսում գյուղին ցույց տրվող օգնութիւնը ուժեղացնելու համար: Կիրովականի երկաթուղային կայարանի կոմերիտական կազմակերպութիւնը ցանց 251 ու. տրոս-դութեամբ մեկ սերմադտիչ մեքենա և դուրս եկավ բերքարշաւի՝ զտելով չքա-

¹ Տե՛ս Комсомол Закавказья в цифрах, Тифлис, 1931, стр. 16.

² Մարքսիզմ-լենինիզմի ինստիտուտի Հայկական ֆիլիալի արխիւ, ֆ. 1, գ. 17, թ. 11, 1929:

³ Նույն տեղում, ֆ. 48, գ. 201, թ. 12:

վոր գյուղացիների սերմացուն՝ Համամլուի շրջանի գյուղերում: Կիրովականի կայարանի կոմերիտականները մրցման հրավիրեցին Ալավերդու գործարաններին, Սանահինի կայարանի, Լենինականի դեպոյի, Ձորագէսի և Երևանի արտադրական ձեռնարկությունների կոմերիտական կազմակերպություններին¹:

Ռեսպուբլիկայում լայն շարժում ծավալվեց զարնանացանի օգտին հատուկ ֆոնդ ստեղծելու համար: Եանվոր երիտասարդության ուժերով հավաքվեց 9233 ռ.²: Սրան Լենինականում հավաքված գումարով ձեռք բերվեց 10 սերմազտիչ մեքենա, 15 արոր, 8 շարքացան, 10 ձիու փոցխ³: Հրետանային գունդը զավառի կոլտնտեսություններին նվիրեց 10 ձի: ՀԼԿԵՄ Երևանի զավառային կոնֆերանսի որոշմամբ, զավառի կոմերիտականները ձեռք բերեցին երեք տրակտոր, Ղափանի կոմերիտականները՝ 15 գուլան և նվիրեցին գյուղին⁴: Կոլտնտեսությունների կուլտուրական, արտադրական, կազմակերպական աշխատանքները զլխավորելու համար Երևանի կազմակերպությունից երկու տարով աշխատելու համար գյուղերն ուղարկվեցին 40 կոմերիտականներ, 50 հոգի գյուղերը գործուղվեցին դարնանացանի կոնկրետ աշխատանքներին օժանդակելու համար⁵:

Բանվոր երիտասարդության՝ գյուղին ցույց տրվող օգնությունը ավելի լայն թափ է ստանում սկսած 1929 թ. երկրորդ կեսից, այն բանից հետո, երբ ՀԼԿԵՄ Կենտկոմի պլենումը (օգոստոսի 5—6-ը) լսում է զեկուցումներ սոցմրցման նախնական արդյունքների և բերքարշավի առաջին հաջողությունների մասին⁶:

Դրանից հետո Երևան քաղաքի կոմերիտական ակտիվի ժողովը դիմում է ռեսպուբլիկայի կոմերիտական կազմակերպություններին՝ բոլշևիկյան առաջին հարնանաջանին օգնելու համար կոմերիտական տրակտորային շարասյուն կազմակերպելու մասին կոչով: ՀԼԿԵՄ Կենտկոմը, հավանություն տալով երկվանցիների նախաձեռնությանը, իր հերթին դիմում է Հայաստանի բոլոր կազմակերպություններին՝ հետևելու երևանցիների օրինակին: Կենտկոմը առաջարկում է կազմակերպել 10 տրակտորից բաղկացած շարասյուն՝ 25 հազար ուրլի արժողությամբ⁷:

Կենտկոմի որոշմամբ սեպտեմբերի 5-ից անց է կացվում Համահայաստանյան շաբաթօրյակ՝ գյուղի նկատմամբ շեֆական աշխատանքները ուժեղացնելու նպատակով: Մինչև տարվա վերջը տրակտորային շարասյան ֆոնդի օգտին հավաքվում է 7902 ռ.: Ռեսպուբլիկայի պիոներական կազմակերպությունը զարնանացանին նվիրում է «Պիոներ» անունով մեկ տրակտոր⁸:

Սոցիալիստական մրցությունը ծավալվում է նաև ռեսպուբլիկայի գյուղերում: Շրջանների և գյուղերի կոմերիտական կազմակերպությունները հանդես եկան կոլեկտիվացումը ծավալելու, ցախաբատարածությունները ընդարձակելու, բերքատվությունը բարձրացնելու սոցմրցման հրավերներով: Ստեփանավանի

¹ «Ավանդարդ», 1929, մարտի 29, № 24:

² Մարքսիզմ-լենինիզմի ինստիտուտի հայկական ֆիլիալի արխիվ, ֆ. 30, գ. 43 թ. 17:

³ Նույն տեղում, ֆ. 48, դ. 291, թ. 12:

⁴ Նույն տեղում:

⁵ Նույն տեղում:

⁶ Նույն տեղում, ֆ. 48, դ. 4, թ. 8, 1930:

⁷ Նույն տեղում, ֆ. 48, գ. 3, թ. 15, 1930:

⁸ Նույն տեղում, ֆ. 48, դ. 39, թ. 49, 1930:

կոմերիտական կազմակերպությունը մրցման մեջ մտավ Դսեղ և Համամլու գյուղերի կոմերիտական կազմակերպությունների հետ, Ղամարլուի շրջանի Էարդալա (Անաստասական) գյուղի կոմերիտական կազմակերպությունը Բուրաստանի կազմակերպության հետ։ Սոցմրցման պայմանագիր կնքեցին Իջևանի, Սև քարի, Ուզունթալայի կոմերիտական կազմակերպությունները։

Գյուղական կոմերիտականները մեծ աշխատանք տարան հացամթերումների կամպանիային օգնելու համար, որի շնորհիվ հավաքվեց ավելի շատ հացահատիկ, քան նախատեսված էր պլանով։ Լենինականի գավառի Քեշիշքենդ գյուղում հավաքվեց 1850 փութ հացահատիկ 1000 փթի փոխարեն, Ջառջառիս, Միրաք գյուղերում՝ պլանով նախատեսվածից երկու անգամ ավելի, իսկ Հաջիսալիլ գյուղում՝ 700 փութ ավելի։ Մեծ հաջողություններ ձեռք բերվեցին ռեսպուբլիկայի մյուս գավառների գյուղերում¹։

15 հազար կոմերիտականներ 10 օրով մորիլիզացվում են հեղեղումների դեմ կռվելու և առուններն ու ջրանցքները մաքրելու համար։ Հանկարծակի հեղեղումների դեմ պայքարելու նպատակով կազմակերպվում են կոմերիտական հարվածային բրիգադները։

Գյուղատնտեսական տեխնիկումից 75 կոմերիտականներ ուղարկվում են գյուղեր՝ հեղեղումների դեմ պայքարի գործը կազմակերպելու համար։

Ավելի աշխուժացավ գյուղ ուղարկվող բանվորական և կուլտուրական բրիգադաների շարժումը։ 1929 թ. վերջերին կազմակերպվեցին 625 այգիպիսի բրիգադաներ՝ 5048 կոմերիտականներով և ուղարկվեցին գյուղեր²։

Պարտիայի և նրա մերձավոր օգնական կոմերիտմիության ամենօրյա աշխատանքի շնորհիվ ամրապնդվում են կուլտնտեսությունները, ստեղծվում նոր կուլկտիվ տնտեսություններ։ Չքաղոր ու միջակ երիտասարդները, ընդօրինակելով սլարտիականներին և կոմերիտականներին, մասսայաբար մտնում են կուլտնտեսությունների մեջ։ 1929 թ. հունվարին Հայաստանում գոյություն ունեցող 96 կուլտնտեսությունների փոխարեն (612 կոմերիտականներով) հոկտեմբերի 1-ին կուլտնտեսությունների թիվը հասնում է 295-ի։ 1930 թվի դարնանը կուլտնտեսությունների մեջ ընդգրկված էին 12845 կոմերիտականներ³։

1929 թ. սկզբներին նախապատրաստվում էր Սովետների ընտրություններ՝ ամբողջ Սովետական Միության մեջ։

Պարտիան ղեկի Սովետների նոր ընտրությունները գնաց լայնորեն պարզած լենինյան դրոշմ, հաստատ համոզված, որ իր կիրառած քաղաքականությունը գտնում է բանվոր դասակարգի և աշխատավոր գյուղացիության լայն աջակցություն։ Հայաստանի բոլոր քաղաքներում, գավառներում և գյուղերում 1929 թ. փետրվարի 1-ից մինչև ապրիլի 6-ը տեղի ունեցան Սովետների ընտրություններ։ Հայաստանի կոմպարտիան մորիլիզացրեց ռեսպուբլիկայի բանվորական և գյուղացիական աշխատավորական մասսաներին՝ Համի(բ)Պ Կենտկոմի 1929 թ. հունվարի 1-ի նամակի⁴ կենսադործման շուրջը, որը դարձավ ծրագրային փաստաթուղթ Սովետների ընտրությունների ժամանակ։

¹ «Ավանդարդ», 1929, նոյեմբերի 18, № 88։

² Մարքսիզմ-լենինիզմի ինստիտուտի Հայկական ֆիլիալի արխիվ, ֆ. 48, դ. 43, թ. 67, 1930։

³ Նույն տեղում, ֆ. 48, դ. 48, թ. 65, 1930։

⁴ Տե՛ս, Политический и трудовой подъём рабочего класса СССР (1928—29), док. № 191, стр. 159.

Սովետների ընտրություններին ակտիվորեն մասնակցեց Հայաստանի լենինյան կոմերիտիությունը, որը աշխատավոր երիտասարդության ուշագրությունը կենտրոնացրեց Կոմպարտիայի և Սովետական իշխանության քաղաքականության հիմնական խնդիրների կենսագործման վրա:

Ընտրությունների արդյունքները Հայաստանում ցույց տվեցին, որ ղգալի չափով բարձրացել է աշխատավոր երիտասարդության քաղաքական ակտիվությունը, որ նա միահամուռ կերպով համախմբվել է Սովետական կառավարության և Կոմունիստական պարտիայի շուրջը: Ընտրությունները միաժամանակ ցույց տվեցին բանվորների և աշխատավոր գյուղացիության կուռ դաշինքի ուժեղացումը, և այդ դաշինքում բանվոր դասակարգի ղեկավար դերի ամրապնդումը, պարտիայի ղեկավարության ուժեղացումը սովետական ապարատի աշխատանքներում: Բարելավվել էր Սովետների պրոլետարական կորիզն ու պարտիական կազմը:

Ընտրությունների ժամանակ մեծ նվաճումներ ձեռք բերեց կոմերիտական կադմակերպությունը:

Քաղաքային և գյուղական Սովետներում ընտրվածների 17,9 տոկոսը (3198 հոգի) մինչև 23 տարեկան հասակի երիտասարդներ էին, 2567-ը կոմերիտականներ: 384 կոմերիտականներ ընտրվեցին գյուղսովետների նախագահության կազմում, 117 կոմերիտականներ՝ գյուղսովետի նախագահներ: Գյուղսովետների վերստուգիչ հանձնաժողովների 831 նախագահներից 539-ը կոմերիտականներ էին¹:

Սոցիալիստական շինարարության նոր խնդիրները պահանջում էին վճռական շրջադարձ կուլտուրական ուղղությամբ ճակատում, այդ գործում բանվորա-գյուղացիական երիտասարդության լայն խավերի ներգրավում: Անհրաժեշտ էր արագ կերպով վերջ տալ անգրագիտությանը մեր երկրում: Այդ կենսական պահանջ էր նաև Սովետական Հայաստանի համար: Մեր ռեսպուբլիկայում 1928 թ. դեռևս կար 16—35 տարեկան հասակի 170 հազար անգրագետ, որը կազմում էր այդ հասակի բնակչության 80 տոկոսը: Յուրաքանչյուր 1000 բնակչից 649-ը անգրագետ էր²:

Կոմունիստական պարտիան և Սովետական կառավարությունը պայքար ծավալեցին հին հասարակարգի այդ մնացուկի վերացման ուղղությամբ: Այդ պայքարում պարտիայի մերձավորագույն օգնականը կոմերիտիությունն էր: Հայաստանի կոմերիտական կազմակերպությունը մեծ ավանդ մտցրեց ազգարնակչության մեջ համընդհանուր գրագիտության համար մղվող պայքարում: Ռեսպուբլիկայում «անգրագիտության վերացման գործում նշանակալից բեկում առաջացավ միայն 1928/29 թվականին, շնորհիվ կոմսոմուլի կողմից լայնորեն կազմակերպած կուլտարշավին»³:

1928 թ. վերջերին և ապա 1929 թ. ՀԿԵՄ Կենտկոմը անց է կացնում կուլտուրական արշավ հին կենցաղի վնասակար մնացուկների դեմ՝ անկուլտուրականության, անգրագիտության, մարդկանց գիտակցության մեջ կապիտալիզմի մնացուկների լիկվիդացման համար: Կոմերիտիության հետ միասին կուլտ-

¹ Մարթիգմ-լենինիզմի ինստիտուտի Հայկական ֆիլիալի արխիվ, ֆ. 48, գ. 283, թ. 71—72:

² Տե՛ս «Նորհրդային Հայաստան», 1928, նոյեմբերի 17, № 241:

³ Տե՛ս ՀՍԽՀ կառավարության հաշվետվության նյութեր (1928—29, 29—30), Երևան, 1931, էջ 180:

Տեղեկագիր 1—3

սրժավի դուրս եկան պրոֆմիությունները, կոոպերացիան, լուսավորության օրդանները, սովետական ինտելիգենցիայի լավագույն մասը: Առաջին կուլտուրական արշավը, որն անցավ «ոչ մի անգրագետ կոմերիտական» լուղունգով, մեծապես նպաստեց անգրագիտության վերացմանը: Շնորհիվ կոմերիտական մասսայի կուլտարշավին ցուցաբերած հսկայական եռանդի, կազմակերպվեց 1275 լիկկայան, վերացվեց 31892 հոգու անգրագիտությունը և կիսագրագիտությունը: «Կորչի անգրագիտությունը ընկերության» մեջ ընդգրկվեցին 11500 հոգի¹: Միայն Նրեանի գավառում բացվեց 115 լիկկայան՝ 2700 ունկնդիրներով²:

Շարաթօրյակների միջոցով ստեղծվեց նյութական բազա՝ անգրագիտության վերացման, խմբակների պահպանման և նրանց մեջ ավելի շատ չքավոր գյուղացիներ և բատրակ երիտասարդներ ներգրավելու համար: Միայն առաջին արշավի ժամանակ այդ նպատակով հավաքվեց 13000 ուսուցիչ: Կուլտարշավը իր վրա բեռնեց ամբողջ հասարակայնության ուղղորդությունը և իր մեջ ընդգրկեց գյուղի ու քաղաքի լայն մասսաներին:

Բանվոր և գյուղացի երիտասարդությունը մեծ ակտիվություն է ցուցաբերում իր կրթական, կուլտուրական մակարդակի բարձրացման ուղղությամբ: Կոմունիստական պարտիայի հոգատարությամբ կազմակերպվում են մի շարք դասընթացներ, որտեղ նրանք պատրաստվում են տեխնիկոմներ և բուհեր ընդունվելու համար: Երկու տարվա ընթացքում կազմակերպվում է 123 դասընթաց, որտեղ սովորում են 12162 հոգի³: Պրոֆգյուրոցները ընդունվելու համար բացվում է 11 դասընթաց, որտեղ սովորում են 699 բանվոր և բատրակ երիտասարդներ⁴: Երեանում բացված բանվորական համալսարանում սովորում էր 332 հոգի⁵: 1928/29 ուս. տարում ռեսպուբլիկայի բուհերում և տեխնիկումներում սովորողներից 786-ը որբեր էին՝ նախկին անապատաճաններ⁶: Բոլոր տիպի ուսումնական հաստատություններում սովորողների 60 տոկոսը կոմերիտականներ էին⁷:

Ելնելով այս հաջողություններից, խնդիր դրվեց 1929/30 ուսումնական տարվա ընթացքում վերացնել 62.000 հոգու անգրագիտությունը և կիսագրագիտությունը: ՀՀԿԵՄ Կենտկոմի նախաձեռնությամբ 1929 թ. աշնանը հրավիրված անգրագիտության վերացման առաջին համագումարը որոշեց, Հայաստանում կազմակերպել կուլտարշավի ստուգատես՝ անգրագիտության վերացման աշխատանքներին օժանդակելու համար: ՀՀԿԵՄ Կենտկոմը 1929 թ. հոկտեմբերի 10—25-ը հայտարարեց «անգրագիտության վերացման տոն»: Կոմերիտական ամբողջ մասսան ոտքի է կանգնում Կենտկոմի որոշումը կենսագործելու համար: Կազմակերպվում է 2726 լիկկայան, որտեղ ընդգրկվում են 68,145 անգրագետներ⁸: 7000 հոգի անհատապես կցվում են գրագետ կոմերիտականներին: 50.000 հոգի ընդգրկվում են «Կորչի անգրագիտությունը» ընկերության մեջ:

¹ ՀՄԽՀ կառավարության հաշվետվության նյութեր (1928—29, 1929—30), Երևան, 1931, էջ 181:

² «Արևիկա», 1929, № 20:

³ ՀՄԽՀ կառավարության հաշվետվության նյութեր (1928—29, 29—30), 1931, էջ 185:

⁴ Նույն տեղում:

⁵ Նույն տեղում, էջ 186:

⁶ «Լենինյան ուղի», 1928, № 11, էջ 32:

⁷ Մարքսիզմ-լենինիզմի ինստիտուտի Հայկական ֆիլիալի արխիվ, ֆոնդ 48, դ. 44, թ. 32:

⁸ ՀՄԽՀ կառավարության հաշվետվության նյութեր (1928—29, 29—30), էջ 186:

Այս ամենը նախադրյալ հանդիսացավ Հայաստանը վերածելու համատարած դրագիտության ռեսպուբլիկայի: Բնակչության զրագիտության աճը ունեցավ ոչ միայն հանրակրթական նշանակություն, այլև բարերար ազդեցություն զործեց ժողովրդական տնտեսության բոլոր բնագավառների, այդ թվում աշխատանքի արտադրողականության բարձրացման, աշխատավորների նյութական բարեկեցության և մասսաների քաղաքական ակտիվության բարձրացման վրա:

Սոցիալիստական շինարարության գործում ակտիվ դեր կատարեցին «Թեթև հեծելազորային» խմբերը, որոնց նշանակությունը գնալով մեծանում էր: «Թեթև հեծելազորը» ծնվեց որպես մասսաների բուռնության ինքնաքննադատության իսկական արտահայտություն, որպես սոցիալիստական շինարարության թերությունների և բյուրոկրատիայի դեմ մղվող պայքարի ճակատում նախաձեռնող, ստեղծագործական շարժում:

«Թեթև հեծելազորի» խմբերը Հայաստանում ստեղծվեցին ՀամԿԵՄ 8-րդ համագումարից հետո: Առաջին խումբը ստեղծվեց «Ավանգարդ»-ի խմբագրությանը կից՝ 1928 թ. հուլիսին: «Թեթև հեծելազորի» խմբերի աշխատանքները լայն ծավալ ստացան ՀամԿ(Բ)Պ ԿԿՀ և ՀամԿԵՄ Կենտկոմի 1928 թ. դեկտեմբերի 20-ի «Թեթև հեծելազորի խմբերի մասին» շրջաբերականից հետո¹:

1929 թ. գարնանը ռեսպուբլիկայում արդեն կար 160 խումբ, որտեղ ընդգրկված էին մոտ 2000 կոմերիտականներ և երիտասարդներ: Հետագայում աշխատանքներն ավելի են աշխուժանում, ստանալով հասարակական-մասսայական բնույթ:

Ինչպես ամբողջ Սովետական Միության, այնպես էլ Սովետական Հայաստանի համար առաջին հնգամյակի առաջին տարին նշանավորվեց վճռական բեկումով ժողովրդական տնտեսության բոլոր ճյուղերի սոցիալիստական վերակառուցման դործում: Այդ բեկումը ձեռք բերվեց բանվոր դասակարգի միլիոնավոր զանգվածների աշխատանքային հզոր վերելքի և ստեղծագործական նախաձեռնության զարգացման ու ծավալման շնորհիվ:

Սոցիալիստական շինարարության բոլոր ճակատներում կազմակերպելով մեծ բեկումը, կոմունիստական պարտիան ոտքի հանեց ամբողջ սովետական ժողովրդին՝ հնգամյա պլանով նախատեսված մեծ և դժվարին խնդիրների կատարման համար: Պարտիան ոգեշնչեց և ամենուրեք առաջնորդեց բանվոր դասակարգին և աշխատավոր գյուղացիությանը: Պարտիայի ղեկավարությամբ անշեղորեն քայլում էր լենինյան կոմերիտիությունը:

Հնգամյակի առաջին տարում ավելի մեծ աշխուժացում, քաղաքական ակտիվություն և դասակարգային նպատակասլացություն ցուցաբերեց ՀամԿԵՄ-ը և նրա մարտական ջոկատ Հայաստանի լենինյան կոմերիտիությունը: «Հայաստանի կոմերիտիությունը կարողացավ ամրանալ, աշխուժացնել աշխատանքը երիտասարդության մեջ, — ասված է ՀԿ(Բ)Պ Կենտկոմի՝ 7-րդ համագումարին տված հաշվետու զեկուցման մեջ, — կոմսոմոլի ամենախոշոր նվաճումներից մեկը հաշվետու շրջանում նրա տնտեսական, արտադրական աշխատանքներն են արդյունաբերության մեջ: Կոմսոմոլիստները հարվածային շարժման առաջամարտիկներն են»²:

¹ Տե՛ս «КПСС о комсомоле и молодежи» (сборник документов), Москва, 1957, стр. 200.

² Ա. Խալիլյան, Մեծ բեկման շրջանը և մեր խնդիրները, Երևան, 1930, էջ 52—53:

Ռեսպուբլիկայում հարվածային գործարանների թիվը հասնում է 25-ի, ցեխերի թիվը՝ 117-ի, բրիզազանների թիվը՝ 104-ի: Այդ հարվածային կոնկրետիվներում ընդգրկված էին 8803 բանվորներ, որոնցից 1400-ը կոմունիստներ էին, 7403-ը՝ կոմերիտականներ և երիտասարդ բանվորներ¹:

Կոմերիտությունը ուժեղացրեց կապը արտամիութենական երիտասարդության հետ, նրան տարավ իր հետեից՝ սոցիալիզմի կառուցման դժվարագույն խնդիրների կենսագործման համար: Մեկ տարվա ընթացքում Հայաստանի կոմերիտական կազմակերպությունը աճեց 8915 հոգով, սկզբնական կազմակերպությունների թիվը՝ 69-ով: 1929 թ. դեկտեմբերի 31-ի տվյալներով Հայաստանի արտադրական ձևնարկություններում, հիմնարկներում, կոլտնտեսություններում, դպրոցներում, տրանսպորտում գոյություն ունեւ 1019 սկզբնական կոմերիտական կազմակերպություն, որը միավորում էր 31037 առաջավոր երիտասարդներ: Կոմերիտականներից 5696-ը բանվորներ էին, 6439-ը՝ բատրակներ, 18864-ը՝ չքավոր և միջակ գյուղացիներ: Ուժեղացավ պարտիական կորիզը կոմերիտության մեջ: 1763 պարտահամ-թեկնածուներից մեկ տարվա ընթացքում նրանց թիվը հասավ 2439-ի²: Պիոներական կազմակերպությունը այդ նույն ժամանակ աճեց 32 հազարով և հասավ 62 հազար պատանի լենինյանների:

Կոմերիտության ղեկավարությամբ ուժեղացավ երիտասարդության մասնակցությունը տնտեսական շինարարության, արդյունաբերության ռազմա-լիզացիայի, ինքնարժեքի իջեցման, աշխատանքի արտադրողականության բարձրացման, անհատական չքավոր և միջակ գյուղացիական տնտեսությունների կոնկրետիվացման, հանրային ցանքատարածությունների ընդարձակման գործում:

Կոմունիստական պարտիայի ղեկավարությամբ ակտիվ կերպով պայքարելով, երկրի սոցիալիստական ինդուստրացման և գյուղի կոնկրետիվացման համար, կուլտուրական ռևոլյուցիայի համար, բյուրոկրատիզմի դեմ կազմակերպելով հարվածային բրիզազաններ, կուլտարշավ, բերքարշավ, «Թեթև լազոր»-ի խմբեր, զարկ տալով սոցիալիստական մրցությանը լենինյան կոմերիտությունը նպաստեց պրոլետարիատի դիկտատուրայի, սոցիալիստական ռևոլյուցիայի նվաճումների ամրապնդմանը:

Առաջին հնգամյակի առաջին տարվա ընթացքում ձևոր բերելով աշխատանքային մեծ փորձ, քաղաքականապես ավելի կոմիւնիզմ, ՀԿԵՄ-ը Կոմունիստական պարտիայի ղեկավարությամբ ձևնամուխ եղավ հնգամյակի հետագա տարիների ավելի զժվարին խնդիրների կենսագործմանը:

¹ Մաքսիմ-լենինիզմի ինստիտուտի հայկական ֆիլիալի արխիվ, ֆ. 48, դ. 206, թ. 38:

² Տե՛ս «Комсомол Закавказья в цифрах», Тифлис, 1931, стр. 5, 16, 30.